

Samstarfssamingur Garðabæjar og Samtakanna '78

Samstarfssamningur milli Garðabæjar og Samtakanna '78 (kt. 450179-0439) um þjónustu Samtakanna '78 við sveitarfélagið Garðabæ almanaksárin 2022-2024 með þeim skilmálum sem hér greinir:

Samtökin '78 veita Garðabæ eftirfarandi þjónustu gegn ákveðnu fjárframlagi bæjarins fyrir hvern þjónustupátt sem hér neðar tilgreinir:

1. Fræðsla til starfsfólks grunnskóla

a) Fyrsta ár þjónustusamningsins veita Samtökin '78 öllu starfsfólki grunnskóla fræðslu um kynhneigð, kynvitund, kyntjáningu og kyneinkenni fólks. Markmið fræðslunnar er að starfsfólk skóla hafi þekkingu á hinsegin málefnum og geti verið virkir fræðarar á umræddum sviðum á vettvangi jafnréttis og mannréttinda í skólastarfi grunnskólanna. Fræðslan dreifist á nokkra daga, en ekki skulu fleiri en 25 starfsmenn í hverjum hóp sitja fræðsluna í hvert skipti. Samtals er samið um 19 fræðsluerindi fyrir allt starfsfólk á árinu 2022, hver fræðsla er tvær klukkustundir. Fyrir þau erindi greiðir Garðabær 946.200 kr.

b) Seinni tvö árin veita Samtökin '78 nýju starfsfólki grunnskólanna fræðslu um kynhneigð, kynvitund, kyntjáningu og kyneinkenni fólks. Sú fræðsla fer fram á einum degi á önn, árin 2023-2024 (síðari tvö á samningstímanum). Samtals fjögur fræðsluerindi á þeim tíma, hver fræðsla er tvær klukkustundir. Samtals greiðir Garðabær 199.200 kr. fyrir þau fræðsluerindi.

2. Fræðsla til nemenda grunnskóla

Samtökin '78 fræða ungmenni í Garðabæ, þrjá árganga á ári (3. bekk, 6. bekk og 9. bekk). Fræðslan fer fram á skólatíma og er breytileg milli árganga, en gert er ráð fyrir 40 mínútum að hámarki í 3. bekk, 60 mínútur í 6. bekk og 80 mínútur í 9. bekk. Fræðslan er reglubundin einu sinni á ári. Fyrir þessi fræðsluerindi greiðir Garðabær 1.045.800 kr. á ári. Fyrsta ár samningsins, þ.e. 2022, er aðeins frætt í 9. bekk og greiðir Garðabær 348.600 kr. fyrsta árið.

3. Fræðsla til stjórnenda

Samtökin '78 fræða stjórnendur sem vinna hjá Garðabæ. Fræðslan fer fram einu sinni á ári og er tvær klukkustundir. Samtals greiðir Garðabær 49.800 kr. á ári. Fyrsta fræðslan er áætluð 2022.

4. Ráðgjöf Samtakanna '78

Ungmenni í Garðabæ fá aðgang að ráðgjöf Samtakanna '78 án endurgjalds. Garðabær greiðir Samtökunum 78 293.473 kr. fyrir umrædda þjónustu á ári eða 586.946 kr. á samningstímanum. Samtökin '78 hafa jafnframt möguleika að kynna umrædda þjónustu fyrir nemendum grunnskólanna í nemendafræðslum.

5. Fræðsla til starfsfólks leikskóla

a) Fyrsta ár þjónustusamningsins veita Samtökin '78 öllu starfsfólki leikskóla fræðslu um kynhneigð, kynvitund, kyntjáningu og kyneinkenni fólks. Markmið fræðslunnar er að starfsfólk leikskólanna hafi þekkingu á hinsegin málefnum og geti verið virkir fræðarar á umræddum sviðum á vettvangi jafnréttis og mannréttinda í skólastarfi leikskólanna. Fræðsluerindið dreifist á nokkra daga, en ekki skulu fleiri en 25 starfsmenn í hverjum hóp sitja fræðsluna í hvert skipti. Samtals er samið um 14 fræðsluerindi fyrir allt starfsfólk í leikskólum á árinu 2022, hver fræðsla er tvær klukkustundir. Fyrir þau erindi greiðir Garðabær 697.200 kr.

b) Seinni tvö ár samningsins (2023-2024) veita Samtökin '78 nýju starfsfólki leikskóla fræðslu um kynhneigð, kynvitund, kyntjáningu og kyneinkenni fólks. Sú fræðsla fer fram á einum degi á önn, árið 2024 (seinasta ár samningstímans). Samtals fjögur fræðsluerindi á þeim tíma, hver fræðsla er tvær klukkustundir. Samtals greiðir Garðabær 199.200 kr. fyrir þau fræðsluerindi

6. Fræðsla til félags- og frístundamiðstöðva

Samtökin '78 bjóða ungmennum í félagsmiðstöð eða frístundamiðstöð upp á fræðsluerindi, jafnframt er starfsfólki boðin fræðsla. Frætt er í hópum, ekki fleiri en 25 í hóp, ásamt því að starfsfólk er frætt saman, ráðgert er að hver fræðsla til ungmenna sé klst en til starfsfólks tvær klukkustundir. Einnig er starfsfólki boðið í vettvangsferð í hinsegin félagsmiðstöð Tjarnarinnar og Samtakanna '78. Fyrir þessa fræðslu greiðir Garðabær 224.100 kr. á ári eða 672.300 kr. á samningstímanum. Ráðgert er að fyrsta fræðsla fari fram 2022.

7. Fræðsla til þjálfara íþróttafélaga

Samningsaðilar munu skoða tilhögun og kostnað vegna fræðslu til starfsfólks íþróttafélaga Garðabæjar fyrir árið 2023 -2024, um kynhneigð, kynvitund, kyntjáningu og kyneinkenni fólks með það að markmiði að starfsfólk íþróttafélaganna hafi þekkingu á hinsegin málefnum og geti verið virkir fræðarar á umræddum sviðum á vettvangi jafnréttis og mannréttinda í starfi íþróttafélaganna. Í viðræðum samningsaðila skal rætt um hvers um mörg fræðsluerindin skuli vera, á hve marga daga fræðsluerindið skuli dreifast, hversu margir starfsmenn sitji fræðsluna á hvert skipti og kostnað vegna þeirra.

Annað

Í upphafi annar/árs skal liggja fyrir tillaga að skipulagi frá grunnskólum á fastri þjónustu Samtakanna '78 skólaárið fyrir hvert almanaksár. Verði aðstæður hjá Samtökunum '78 þess efnis að ekki næst að standa við alla þjónustupætti verður samningsupphæð næsta árs á eftir minnkuð sem því nemur.

Samtökin '78 senda í nóvember, ár hvert, reikning fyrir þjónustu hvers ár skv. liðum 1-7 hér ofan.

Miðað er við það að samningurinn sé endurskoðaður einu sinni á ári og uppfærður út frá nýjum forsendum eftir því sem við á, t.d. ef einhver fræðsluerindi hafa dottið út, eða bætt við og er þá sendur sér reikningur fyrir því eða upphæð endurgreidd verkkaupa ef svo ber undir. Ávallt skal haldið í þriggja ára tímabil.

Ef verulegar vanefndir verða á samningi þessum er hvorum aðila heimilt að rifta honum með þriggja mánaða fyrirvara. Til verulegra vanefnda teljast meðal annarra brot á ákvæðum samnings þessa.

Samningur þessi er gerður með fyrirvara um venjuleg Force Majeure tilvik sem aðilar fá ekki við ráðið og áhrif geta haft á framkvæmd samnings þessa. Rísi mál vegna samnings þessa skal það rekið fyrir Héraðsdómi Reykjavíkur.

Samningurinn er gerður í tveimur samhljóða eintökum og hefur hvor aðili um sig eitt eintak af honum.

Skipting greiðslna eftir ári

2022	2.559.373 kr.
2023	2.011.573 kr.
2024	2.011.573 kr.

Vottun og eftirfylgni

Þessi fræðslusamningur ber með sér afar umfangsmikla fræðslu til starfsfólks, barna og ungmenna í Garðabæ. Samtökin '78 munu bjóða upp á eftirfylgni ásamt því að vinna að vottun fyrir sveitarfélagið.

Skjal sótt af '00000000000' dags: 25.03 2026